



## Symbolae ad Mycologiam fennicam.

Auctore

P. A. Karsten.

X.

(Societati exhibitum die 4 Novembris 1882.)

*Lepista extenuata* (Fr.) Karst. prope Mustiala, locis humidis silvae mixtae, m. Sept. 1882 iterum est lecta. — Sporae hujus ellipsoideo-sphaeroideae vel subsphaeroideae, albiae, longit. 3—4 mmm., crassit. 2—3 mmm.; pileus argillaceo-albidus; stipes fibrillosus apiceqve primitus saltem leviter tomentosus.

*Clitocybe splendens* (Pers.) Fr. circa Mustiala pluries est observata. Sporae ejus sphaeroideae vel subsphaeroideae, diam. circiter 3 mmm.; pileus primitus adpresse tomentellus, ut plurimum guttato-maculatus.

*Clitocybe ambigua* Karst. (N. sp.)

Pileus carnosus, tenuis, tenax, orbicularis, convexus, obtusus, subinde subumbonatus aut medio dein leviter umbilicato-depressus, omnino glaber et laevis, margine inflexo, levissime albopuberulo, rufopallidus, vulgo in carneum vergens, siccitate expallens, at non hygrophanus, 1—1,5 cm. latus; stipes farctus, tenax, aequalis, basi incrassatulus, flexuosus, glaber, basi radicans byssoqve albo obvolutus, apice subpuberulus, albidopallens, 6—10 cm. longus, 2 mm. crassus; lamellae adnato-decurrentes, confertae, arcuatae, lineares, molles, crassiusculae, pallidae; sporae late ellipsoideae vel subsphaeroideae, longit. 4—5 mmm., crassit. 3 mmm.

Inter atque supra muscos in parte abietina silvae Syrjä ineunte m. Oct. 1882.

Ambigit inter *Clitocybiam* et *Omphaliam*, habitu *Collybiam* aemulans.

*Pleurotus pulmonarius* Fr. generi *Clitocybae* adscribendus est, pileus etenim saepissime postice marginatus, immo interdum centralis.

*Phyllotus subplicatus* Karst. (N. sp.)

Pileus tenerrimus, membranaceus, resupinatus, suborbicularis, vulgo integer, planiusculus, striato-plicatulus, sericellus, albus, basi villosoadfixus, 4—7 cm. latus; lamellae puncto excentrico concurrentes, subdistantes, latae, albae vel albiae, plurimae; sporae ovoideae vel late ellipsoideae, longit. 6—7 mm., crassit. 4—5 mm.

In silva Haarankorpi prope Mustiala supra corticem *Alni* fine m. Oct. 1882 legimus.

Ab affinibus *Pleuroto dictyorrhiza* (De C.) et *chioneo* (Pers.) differt pileo jam primitus resupinato, omnino sessili, plicatulo lamellisqve puncto excentrico concurrentibus.

Var. *cinerellus* Karst.

Totus dilute cinereus vel glaucescens.

Ad corticem *Abietis excelsae* prope lacum Salois haud procul ab Mustiala, m. Sept. 1882, semel inventus.

*Lactarius vietus* Fr. Sporae aculeatae, diam. 7—8 mm.; sapor interdum acerrimus.

*Lactarius cremor* Fr. \**pauper* Karst. (N. subsp.)

Pileus carnosus, mollis, planiusculus, glaber, azonus, siccus?, carneolutescens vel gilvoalutaceus, siccus subochraceus, margine membranaceo, demum pectinato-sulcatus, 8—11 cm. latus; stipes cavus, aequalis, nudus, glaber, pileo pallidior, circiter 4 cm. longus et 1,5 cm. crassus; lamellae adnatae, subdistantes, tenues, molles, pileo concolores, 5 mm. latae; caro exsucca, tarde acris, alba.

In silva abietina, loco aprico, prope Mustiala, fine m. Septembris 1881.

Ad *Lact. xanthophyllum* Karst. Hattsv. I, p. 190 vergit.

*Russula adusta* (Pers.) pileo jove udo subviscido, fuli-

gineopallente vel fuliginoso stipiteqve primitus albido in regione Mustialensi legitur.

*Hygrophorus pustulatus* (Pers.) Fr. in agro Mustialensi frequenter obvenerit. — Pileus, praecique disco, vulgo fusco vel fusciscente, in papillas concolores rimulosus; stipes undiqve aut superne tantum squamulis papillaeformibus albis (nigris numquam nobis visis) exasperatus; spora late ellipsoideae, longit. 7—9 mmm., crassit. 5—6 mmm.

*Hygrophorus tephroleucus* (Pers.) Fr. in regione Mustialensi passim occurrit, m. Sept.—Nov. Stipes vulgo totus albus, subinde fuliginoso-fibrillosus, apice leviter flocculoso-squamulosus; spora ellipsoideae, longit. 13—15 mmm., crassit. 7—9 mmm.

*Hemicybe castorea* (Fr.) Karst. quoque in ligno Betulae mucido crescit. — Pileus ejus saepe postice fusciscento tomentosus seu strigosulus, reniformis vel lingulatus et lobatus; spora sphaeroideae, diam. 3—5 mmm.

*Pluteus cervinus* (Schaeff.) Fr. stipite unicolore, albo (neutiquam fibrillis nigris reticulato vel striato) apud nos saepissime obvenerit.

*Nolanea pascua* (Pers.) Fr. spora habet angulato-sphaeroideae, diam. 7—9 mmm.

In *Clitopilum vili* Fr. spora sunt sphaeroideo-ellipsoideae, angulatae, longit. 9 mmm., crassit. 6 mmm.

*Inocybe geophyllae* (Sow.) Fr. stipes vulgo est undiqve farinaceus.

*Roumeguerites fastibilis* (Fr.) Karst. stipite aequali, demum glabrescente, albido pileoque testaceo-albido circa Mustialia hinc inde lectus est.

*Cortinarius imbutus* Fr. var. *vilior* Karst. in silva Syrjä prope Mustiala, ineunte m. Oct. 1882, detectus est. — Typo pallidior et quoad singulas partes tenuior. Pileus conico-convexus, siccus subalutaceus, 4 cm. latus; stipes 9 cm. longus, 1 cm. crassus; lamellae 4 mmm. latae; spora ellipsoideae, longit. 9—12 mmm., crassit. 4—5 mmm.; odor Raphani debilis.

*Cortinarius candellaris* Fr. ineunte m. Oct. 1882 in silva

acerifera Syrjä inventus. Sporae ellipsoideae, longit. 8—12 mmm., crassit. 5—6 mmm.

*Hypholoma sublentum* Karst. Hattsv. II, p. 233.

Pileus carnosulus, tenax, e campanulato-convexo expansus, obtusus, repandus, marginem versus leviter rugulosus, laevis, demum saepe rimosus, glaber, primitus e velo circa marginem sericeus, hygrophanus, fuligineorufescens seu brunneus, siccus expallens, subalutaceus, circiter 7 cm. latus; stipes fibrosus, cavus, aequalis, sericeo-laevigatus, albus, circiter 5 cm. longus, 0,5—1 cm. crassus; velum in telam margine pilei adhaerentem contextum, fugax; lamellae adnatae, confertae, lineares, ex pallente albido-subpurpurascente fuscae, acie albicantes flocculosoqve crenulatae; sporae ellipsoideae, utrinque obtusae, uniguttulatae, flavae diaphanaeqve (sub micr.), longit. 8—10 mmm., crassit. 4—5 mmm.; odor funginus, sapor nullus.

*Psathyra subnuda* Karst. Hattsv. II, p. 234.

Pileus carnosus, tenuis, fragilis, e conico-convexo expansus vel explanatus, subumbonatus, atomatus, pellucide striatus, laevis, glaber, fibrillis tantum paucis superficialibus fugacibus praeditus, subargillaceo-pallidus, pallescens vel lividus, siccus candicans, saepe hinc inde leviter in roseum vergens, 4—6 cm. latus; stipes firmulus, fistulosus, cylindraceus, strictus, primo subsericellus, mox glaberrimus, nitens, apice pruinellus, basi villosus, undiqve laevis, candidus vel albidus, 7—10 cm. longus, 2—4 mm. crassus; lamellae adnatae, confertae, subventricosae, primitus cinereo-pallidae, leviter in violaceum vergentes, demum fuscae; sporae ellipsoideae, fuscae, pellucidae (sub micr.), longit. 8—9 mmm., crassit. 4 mmm.

In silva frondifera, locis umbrosis, circa *Mustiala* mensibus Julio—Septembri parce obvia.

*Psatyrella squamifera* Karst. (N. sp.)

Pileus carnosus, tenuis, margine membranaceus, campanulatus, obtusus, ad medium pellucide striatus, rugulosus, squamis fibrillosis, albis, sparsis ornatus, lividofuscus, siccus alutaceopallescens, 1,5 cm. altus, 2 cm. latus; stipes e farcto cavus, aequalis, strictus vel flexuosus, sericeus, apice leviter

pruinoso-flocculosus, glabrescens, pallidus, basi strigoso-radicatus, 10 cm. longus, 2 mm. crassus; lamellae adnatae, subdistantes, lineares, unicolores, e dilute cinereo fusciscentes, 2 mm. latae; sporae ellipsoideae, atrae (sub micr. fuscae impellucidaeqve), longit. 11—13 mmm., crassit. circiter 6 mmm.

Ad frustula ramorum putrescentia inter muscos in locis silvaticis, humidis, umbrosis, in agro Mustialensi m. Sept. 1882.

*Psathyrellae gracili* proxime accedit, notis tamen datis statim dignoscenda.

*Coprinus pellucidus* Karst. Hattsv. II, p. 236.

Exiguus, gregarius, tenerrimus, deliquescens, fugax, hyalino-cinerascens; pileus ex obovoideo hemisphaericus, demum expansus revolutusqve, obtusus, sulcatus, glaber (primitus levissime pruinosis), subinde pilis minimis erectis obsessus, ex albido vel lutescente hyalino-glaucus, disco minuto, punctiformi obscuriori, 1—2 mm. latus; stipes filiformis, aequalis, flexuosus, glaber (primitus leviter pruinellus subindeqve pilosulus), hyalinus, pellucidus, 1—5 cm. altus; lamellae confertae, lanceolatae, demum nigrescente brunneae; sporae ellipsoideae, flavae pellucidaeqve (sub micr.), longit. 7—9 mmm., crassit. 4 mmm.

In fimo vaccino prope Mustiala m. Aug. et Sept.

*Coprinus diaphanus* Quel. in Bull. de la Soc. botan. de France, Tom. XXIV, p. 322, et XXX, pl. V, f. 7 vix diversus est, at hoc nomen jam antea alii speciei datum est.

*Coprinus miser* Karst. Hattsv. II, p. 236.

Tenerrimus, pellucidus, minimus, hyalino-cinerellus; pileus e sphaeroideo-ovoideo explanatus, centro punctiformi depresso, plicatus, nudus, dilute cinereus, 1—2 mm. latus; stipes capillaris, aequalis, nudus, hyalinus, 1—2 cm. longus; lamellae distantes, paucae (6—15), dilute cinerae, e sporis nigrae; sporae pyramidali-ovoideae vel sphaeroideo-ellipsoideae, fuscae impellucidaeqve (sub micr.), longit. 7—9 mmm., crassit. 6—8 mmm.

In stercore eqvino ad Mustiala m. Aug. et Sept. 1882.

*Bjerkandera pallescens* (Fr.) Karst. boream versus ad Soukelo in Lapponia rossica procedit.

*Bjerkandera acidula* (Fr.) Karst. circa Mustiala haud raro obvenit in ligno truncorum Abietis, raro Pini, autumnno seriori. — Sporae ejus elongatae, vulgo curvulae, longit. circ. 3 mmm., crassit. circiter 0,5 mmm.

*Bjerkandera caesia* (Schrad.) Karst. sporas habet cylindraceas, vulgo leviter curvatas, longit. 3—4 mmm., crassit. 0,5 mmm.

*Trametes connata* Fr. ad Betulam in silva Mustialensi, Haarankorpi, optime evoluta fine m. Sept. 1882 lecta est. — Sporae ejus sphaeroideae, uniguttulatae, diam. 3—4 mmm.

*Polyporus connatus* Weinm. diversam speciem forte sistit.

*Irpex pundulus* (Alb. & Schw.) Fr. in regione Mustialensi versus lacum Salois ad ligna scissa pinea, fine m. Sept. 1882, provenit.

*Caloporus incarnatus* (Alb. & Schw.) Karst. in Revue Mycologique, 1881, p. 18, qualis saltem in Fennia obvenit, cum descriptione a beat. E. Friesio data non omnino convenit, quare novam pleniorumque hic dare liceat:

Receptaculum effusum, immarginatum, interdum superne aut hinc inde margine elevato, crasso praeditum, adnatum, byssino- seu tomentoso-membranaceum, album, demum laevigatum, glabrum, dilute incarnatum et, ubi crassius, subsuberosum, usque 25 cm. longum et 10 cm. latum; pori ceracei, inaequales, subrotundi, solito obliqui et hiantes, obtusi, carneobrunnei vel sanguineo-atri, subinde incarnati.

Hab. ad corticem trunci emort. Pini silvestris.

*Physisporus corticola* (Fr.) Karst. supra corticem lignumque truncorum prostratorum Populi tremulae circa Mustiala pluries m. Sept. et Oct. 1882 obviam venit. — Tomentoso-membranaceus, adhaerens, separabilis, albus vel albidus, subinde (in statu udo) hyalino-pallidus, margine bombycino, subfimbriato, albo; pori curti, subpunctiformes, rotundi,

demum (in forma lignicola) perfecte evoluti, inaequales, rotundati vel angulati, tenues, minores, pallescentes, subinde laceri.

*Ischnoderma resinorum* \*benzoinum (Fr.) Karst. inodorum margineqve pilei primitus albido vel pallido nobis semper obvium.

*Inonotus radiatus* (Sow.) Karst. prope vicum Soukelo in Lapponia rossica, ad Abietem?, lectus est.

*Fomes Abietis* Karst. Hattsv. II, p. 242.

Pileus suberoso-lignosus, triqvetor, dimidiatus, basi vulgo effusus, subinde totus resupinatus, placentas orbiculares sistens, saepe concresecens vel imbricatus, junior tomentosus et fulvus, adultus spadiceus vel fuscus et serobiculatus vel seruposus, exoletus nigrescens, sulcis concentricis paucis, 3—9 cm. latus; pori majusculi, oblongi vel subrotundi, inaequales, laceri, fulvi, canoprinosi; sporae sphaeroideae, hyalinae (sub micr.), diam. circiter 4 mmm.

Ad truncos vetustos *Abietis excelsae* per totam Fenniam et Lapponiam (Kola Rasnavolok) haud raro provenit.

A Fomite protracta (Fr.) Karst., in Fennia quoque haud rara, pileo vulgo orbiculari, nunquam in longitudinem protracto porisque irregularibus pruinaque incana evolutis, non dissimilibus *F. Pini*, praecipue distincta.

*Hydnum niveum* Pers. in horto Mustialensi ad lignum ramorum dejectorum *Alni* m. Sept. 1882 legimus. — Receptaculum subtus pallide aureum; sporae sphaeroideae.

*Sarcodon fragilis* (Fr.) Quél. totus albido-cinereus, demum (siccitate) albido-rufescens, aculeis ex albido cinereis saepe riseis circa Mustiala legitur.

*Sarcodon imbricatus* (Linn.) Quél. sporis sphaeroideis, angulosis vel crasse aculeatis, sub micr. chlorinis est praeditus.

*Calodon caeruleus* (Fl. Dan.) Karst. per Fenniam australem haud raro obvenit. — Obconoideus. Pileus suberosus, compactus, crassus, undulatus, tuberculosus, azonus, caeruleus, hinc inde cinereopallens, tomento albo denso obtectus, intus albo-, fulvo-, ferrugineo- et caeruleo-variegatus, 4—9 cm. latus, usque ad 4 cm. crassus; stipes brevis vel brevissimus

(2—5 cm. altus), extus intusque fulvoferrugineus, tandem fuscescens; aculei aequales, breves, e caeruleo fusciscentes; sporae subsphaeroideae, scabrae, dilute fusciscentes (sub micr.), diam. 7—9 mmm.

Medium quasi tenet locum inter *C. svaveolentem* et *C. compactum*.

*Stereum sanguinolentum* (Alb. & Schw.) Fr. \**St. rigens* Karst. Hattsv. II, p. 243.

Pileus coriaceo-rigidus, effusus reflexusque, tomentosus, concentricè sulcatus, pallidus, margine acuto, albo, 6—10 cm. latus; hymenium laeve, glabrum, siccum rimosum, testaceum, tactu cruentatum.

Supra cortices truncorum prostratorum *Abietis excelsae* circa Mustiala aliquoties deprehensum.

*Stereum rugosum* Fr. var. *aurantiacum* Karst. Hattsv., II, p. 243.

Pileus tomentosus, pallidus; hymenium aurantiacum.

Ad truncos *Betulae* in paroecia Tammela prope vicum Kuusto, m. Sept., parcissime legimus.

*Xerocarpus carneus* (Willd.) Karst. var. *Tiliae* obvenit in Runsala.

*Xerocarpus helvolus* Karst. Hattsv. II, p. 243.

Effusus, immarginatus, adnatus, pulveraceo-grumosus, tenuis, absque hymenio distincto, ambitu similari, continuus, laete helvolus. Supra corticem *Crataegi coccineae* in regione Aboënsi, m. Aug. et Sept. 1868.

*X. farinello* Karst. proximus. Specimina nostra non perfecte evoluta.

*Corticium confluens* Fr., in ramulis aridis *Padi*. *Cerasi* et *Rosae caninae* crescens, e regione aboënsi, Merimasku, nunc nobis cognitum est.

*Corticium contiguum* Karst. legimus quoque in cortice truncorum *Salicis capreae* prope Mustiala, m. Oct. — Late effusum, immarginatum, indeterminatum, adglutinatum. contextu furfuraceo; hymenium ceraceum, induratum, contiguum, papillosum, nudum; sporae ellipsoideae, longit. 6—7 mmm., crassit. 3—4 mmm.



*Corticium calceum* Fr. var. *caulicola* Karst. in caulis aridis Rubi ideae circa Mustiala hinc inde obvenit.

*Corticium sordidum* Karst. (N. sp.)

Longitudinaliter effusum, adglutinatum, immarginatum, ceraceum, subtus leviter floccosum, laeve, siccitate rimose partitum, sordide albidum, siccum sordide fusciscente flavescens, ambitu flocculoso-furfuraceum; sporae ellipsoideae vel oblongatae, longit. 4—5 mmm., crassit. 2—3 mmm.

Ad ramulos Pini sylvestris putrescentes in Mustiala, auctumno, rarissimum.

Primo obtuitu facile pro *Corticio calceo* sumitur, sed nobis datis facile tuteque distinctum.

*Corticium subalutaceum* Karst. (N. sp.)

Longe lateque effusum, adnatum, immarginatum, contiguum, floccoso-furfuraceum, testaceo-alutaceum, ambitu similiari; hymenium ceraceum, tenue, obscurius; sporae elongatae, curvatae, longit. 5—6 mmm., crassit. 1 mmm.

In ligno mucido Pini sylvestris prope Mustiala, m. Sept., semel deprehensum.

Priori affine, sed receptaculo crassiori, hymenio tenuiori, contiguo sporisque longioribus angustioribus distinctum.

*Coniophora macra* Karst. Hattsv. II, p. 245.

Effusa, membranacea, admodum tenuis, contigua, dense setulosa laevigata, arcte adhaerens, indeterminata, fusca, siccitate hinc inde rimose partita, ambitu similiari, concolore (saltem in statu sicco); sporae late ellipsoideae, laeves, flavescens (sub micr.), longit. 10—12 mmm., crassit. 7—9 mmm.

Supra corticem Alni in Mustiala, m. Maji, legimus.

*Coniophora furva* Karst. Hattsv. II, p. 245.

Longe lateque effusa, membranacea, tenuis, contigua, laevigata, adnata, glabra, badiofusca, subinde in vinosum leviter vergens, uda obscurior, interdum nigrescens; sporae late ellipsoideae, laeves, flavescens (sub micr.), longit. 9—12 mmm., crassit. 5—6 mmm.

Ad lignum trunci putrescentis Abietis in Tammela prope lacum Salois, fine m. Sept., semel reperta.

*Sebacina incrustans* Tul. in regione Mustialensi bis lecta.

*Hyphelia terrestris* Fr. var. *roseola* Karst. (N. var.)

Suprat erram prope pagum par. Tammela, Kuusto, exeunte m. Sept. 1882 pluribus locis legimus.

*Helotium incertum* Karst. (N. sp.)

Apothecia gregaria vel sparsa, sessilia, plana vel convexa, glabra, margine subtiliter ciliato, cinereo-albida vel pallida (epithecio), circiter 0,5 mm. lata; asci clavato-cylindracei, apice attenuati jodoque haud vel vix caerulescentes, longit. circ. 50 mmm., crassit. circ 6 mmm.; sporae elongatae, rectae, oblique monostichae vel subdistichae, longit. 8—12 mmm., crassit. 1,5—2 mmm.; paraphyses haud bene evolutae.

In foliis siccis Caricis pallescentis prope Mustiala, fine m. Julii 1871, obvium.

*Myriococcum praecox* Fr. in Fennia australi haud raro obvenit. — Sistit, ut nobis videtur, statum sclerotiiferum cujusdam Pyrenomycetis, in multis statum ejusmodi *Lanosaenivalis* Fr., *Erysiphen epigaeam*, in memoriam revocans. Cel. Saccardo autem illud Eurotiis peraffine censet.

*Antennaria pithyophila* \**abietina* Karst.

Fumago abietina Karst. Die Pilze der finnischen Waldbäume N:o 31, in horto Mustialensi saepes abietinas devastavit. — Ab affini *Antennaria pithyophila* Nees subiculo vel mycello tenuiore, laevigato recedit; perithecia ignota. Hyphae mycelii fuliginosae vel fuscae, moniliformes, articulis elongatis vel rotundatis.

*Capnodium Tiliae* (Fuck.) Sacc. Syll. p. 74 in foliis *Tiliae ulmifoliae* in Mustiala, sterile.

*Capnodium Persoonii* Berk. et Desm. in foliis ramulisque vivis *Coryli avellanae* in horto Mustialensi auct. 1881 copiose, sed sterile.

*Capnodium quercinum* (Pers.) Berk. et Desm. in foliis vivis *Quercus roboris* in Fennia australi (Runsala, Mustiala).

*Capnodium sorbinum* Karst. (N. sp.) in foliis vivis *Sorbi aucupariae* prope oppid. Vasa, m. Aug. 1867, semel. — Maxime juvenile, e hyphis tantum 1—3-septatis

crustam tenuissimam, laevissimam, atram, superficalem efficientibus, constans.

*Clavularia* Karst. (Genus Stilbearum novum).

Receptaculum teres, ex hyphis tenuissimis, longitudinalibus, coalitis constans, superne clavato-conidiophorum; conidia fusioidea vel teretia, simplicia, eguttulata, hyalina. — *Astractio* Link. proximum.

1. *Cl. fusispora* Karst. (N. sp.)

Sparsa vel gregaria, obovato-clavata, pallida seu albida, circiter 1 mm. alta; stratum conidiorum ceraceum, siccitate subcollabens; conidia fusioidea, recta, concatenata, longit. 6—9 mm., crassit. 2—3 mm.

Ad lignum induratum populinum, die 4 m. Nov. 1865, prope Mustiala legimus.

Primo obtuitu pro specie *Pistillariae* vel *Calocerae* facile sumitur.

2. *Cl. stenospora* Karst. (N. sp.)

Oblongato-clavata, breviter stipitata, albida; conidia cylindracea, recta, hyalina, longit. 4,5—6 mm., crassit. 1—1,5 mm.

Ad lignum sectum *Alni incanae* prope pagum Kytö in paroecia Tammela m. Oct.

Socia *Ombrophila squivalida* Karst. Myc. fenn. I, p. 95.

Mustiala, m. Octobri 1882.

